

金

石

續

編

金石續編卷第十九

宋

武進陸耀道纂

太倉陸增祥校訂

宋七

桂林鹿鳴燕詩

高四尺二寸廣三尺二寸十行前題二行詩四行行十六字後記四行行十八九字不等並行書在廣西桂林府伏波巖

康熙元年秋九月桂林鹿鳴燕太守范成大賦詩

以勸駕云

維吾南國最多儒聳觀招、赴隴書竹實秋風辭穴鳳
桃花眷浪脫淵魚月宮移種新栽桂江水朝宗舊鑿渠
况有龍頭坊并在明年應表第三閭

郡人曹業桂詩云我向月中收得種為君移向故
園栽今年用故事移桂正夏進德二堂又復朝宗
渠水以符文章應舉之記趙觀文王世則兩人皆
魁天下今狀元坊存焉故拙句中悉及之

門生鄉貢進士周□□劉□上石

棲霞洞范成大題記二段

在廣西桂林府

范成大碧虛亭銘

高八尺六寸廣六尺十二行行十四字正書額題碧虛銘三大字八

分書

唐鄭冠卿遇日華月華君於拙霞之洞與之笛不能成
聲傾壺酒飲之屢得滴瀝獨記其贈詩二篇出門見二
樵者問曰洞中樂乎跬步亦失所在吳人范成大小築

其處以識幽討按詩卒章云不緣過去行方便那得今朝會碧虛即以遍榜且銘之儼壁

空洞維石中涵碧虛誰歟知津有翹負芻我來扣門兩翁在否雖不能箇能醉君酒為君作亭表巖之扁名翁所命而我銘之

按銘之依韻當作之銘書刻時誤倒

有宋熙熙改元嘉平日刻

碧虛題名

高四尺廣三尺五行七八字不等行書

范至能赴成都率祝元將王仲顯游子明林行甫周直夫諸葛叔時酌別碧虛園熙乙未廿八日

修虞帝廟碑

高一丈四尺廣六尺二寸二十三行行三十五字隸書篆額題有宋帝江府新修虞帝廟碑十一字在廣

西臨
桂縣

靜江府故有

虞帝祠距城東北五里而近虞山之下皇澤之灣蓋莫
詳其始所自立而有唐查刻辭在焉有宋淳熙二年春
二月今直秘閣張侯棫始行府事奉奠進謁仰視棟宇
傾整弗支圖像錯然曰呂淫厲則竦然曰帝德在人
其神在天威靈所加無有遠邇降祠茲土粵有故常而
巨陋踵訛曰至于今弗圖弗革棫則惧焉已事則卻撤
而新之時又方按國典毀諸所祀不如灋者因悉致
其美材文石以奉茲役作治逮時訖事以告門觀顯嚴
麗雜遠屏外朝內寢惟帝及二妃之神恭已率面儼

然臨之秋七月癸未侯率其屬奉承牢醴俯伏灌薦曰
妥 皇靈盼嚮既通拜手言曰天降生民厥有常性仁
義禮智父子君臣爰及昆弟夫婦朋友是曰天叙民所
秉夷去之豪分穹壤易處惟 帝躬聖誠明自然慈孝
于家仁敬于邦爰弟刑妻取人與善從容鉅細各極其
極如規之員如矩之方使凡天下後世之為人倫者莫
不取則高明博厚化育並流孰是遐馭敢私其施惟蒼
梧聖謂 帝所藏寅緣此邦獲恭明祀茲率羣吏釁于
新宮躡若威神不仁者遠□不再拜誓首惟 帝之神
寶臨照之於是三獻成禮神人浹和民吏駿奔詠歎興
起合辭懇請願著石章俾來謁辭以詔無極熹竊惟

帝之所以配天立極法施無窮者既非文字形容所及而傳記所稱南巡不反遂葬蒼梧者又非經言無所攷信則皆罔敢知惟是天理人倫之際帝之所以幸教後世者蓋嘗與侯講而志之於侯之意庶幾識其所以然者乃敬篆而顯詩之俾歸刻焉其詩曰

虞山之土灘水之滸誰修 虞祀九歌招舞有翼張侯

牧此南州懷 帝之仁荅其祐休載瞻祠宇頽剝支柱

明靈弗蠲淫傲駢伍乃教綱紀乃夷乃攻乃堂乃基峻

宇崇墉 帝降不遲 門 蘇 侯 渠 其 成 來 饋 來 祝 惟

帝之德規員矩方即物而則大倫目光爰自側微動

植潛被恭已當天雲行雨施惠于來世億萬斯年穹天

博地峙嶽流川矧是南荒舊惟聲教愀然見之興起則
儆子隆于孝臣力其忠侯拜誓首惟 帝之功

宣教郎主管台州崇道觀朱熹撰承議郎判江州軍
州事呂勝已書進士方士繇篆額

淳熙三年四月丙子建

按宋淳熙二年二月新廟七月告成三年四月建
碑元至正中劉傑撰帝舜廟碑所稱宋經略使張
宣公載新之齊國朱文公碑與虞山爭高即謂此
也此碑云惟蒼梧野謂帝所藏又云傳記所稱南
巡不反遂葬蒼梧者非經無所取攷信案禮檀弓
舜葬于蒼梧之野注舜征有苗而死因留葬焉書

說舜曰陟方乃死蒼梧于周為南越之地今為郡
正義曰鄭案淮南子云舜征三苗遂死蒼梧史記
云舜踐帝位三十九年南巡守崩于蒼梧之野葬
于九疑山是為零陵又帝王世紀南征崩于鳴條
以瓦棺葬于蒼梧九疑山之陽是為零陵謂之紀
市皇覽舜冢在零陵營浦縣其山九谿皆相似故
曰九疑山海經蒼梧之山帝舜葬于陽帝丹朱葬
于陰又曰赤水之中有蒼梧之野舜與叔均之所
葬也墨子舜西教乎七戎道死葬南已之市呂氏
春秋舜葬于紀市不變其肆述異記會稽山有虞
舜巡狩臺臺下有望陵祠帝舜南巡葬于九疑民

思之立祠曰望陵記傳所稱大略如是朱子不敢
徵信亦見臨文之慎也果亭中丞成格開府桂林
拓此以贈

周孝侯廟斬蛟射虎碑

國熙丁酉四年六月裴相士篆書道士蔣善怡立
石在江蘇宜興

張敬夫招隱題記

二石一高一尺八寸廣三尺刻招隱二大字正書一
高一尺四寸廣四尺二寸記十七行行五六字不等
行書在廣西桂林
府隱山招隱洞

招隱

字徑尺
二寸

張敬夫書

字徑一
寸五分

國熙戊戌歲六月丙戌廖重能置酒約詹體仁張敬夫

登千山觀泛舟西湖荷花雖未盛開水光清淨自足銷暑視北牖洞之前有勝地體仁欲為小亭名以招隱敬夫北歸有日不及觀斯亭之經始獨預書招隱二字以貽之

字徑二寸許

按張敬夫於廖重能酒間題招隱二字以貽詹體仁且記其事非廖重能手筆廣西通志以為廖重能題名非也是年閏月上潮招隱亭成詹體仁約廖重能飲酒落之回視題扁與石間留字有懷張敬夫以所書招隱二字鑱石時敬夫去桂尚未踰月體仁題刻亦在隱山前多殘缺通志以桂勝補之廖重能作繼能殆沿桂勝之誤

儀制令石刻

摩崖高一尺八寸廣一尺二寸正書在陝西畧陽縣靈巖

儀制令

三字縱橫各四寸

賤避貴少避長輕避重去避來二

字四行分注每字徑二寸許

宣熙辛丑邑令王□立石

十字一行書後

按此令為宋律舊文榜諸要害通衢始設木牌後因刻石詳見武博山億授堂金石文字跋跋曰東都事略太宗紀太平興國八年詔曰傳云能以禮讓為國乎何有宜令開封府及諸州於衝要處設榜刻儀制令如律宋史孔承恭傳嘗疏請令州縣長吏詢訪耆老求知民間疾苦吏治得失及舉令

賤避貴少避長輕避重去避來請詔京兆並諸州
于要害處設木牌刻其字上皆行之然則此制始
于宋初太宗之詔因承恭疏請也予見唐六典禮
部載凡行路之間賤避貴少避老輕避重去避來
宋制實仿於此武氏未之攷耳
園熙八年歲在辛丑為孝宗嗣位之十九年武跋作度宗八年乃傳
寫之誤

宗室不診墓志

園熙九年二月楊興宗撰正書

廣州贍學田記并陰

高八尺六寸廣三尺四寸十四行行三十字行書額
題廣州贍置贍學田記八字四行隸書在廣東廣州

學府

田之人於學者有籍籍之司其入者有人人與籍之更
先後歲率不常故吏得以其情出入凡庀於籍者名數
多寡率嘗詭遺為是者皆曰其官新舊之交察其參稽
之不迷也時舉以國熙九年冬至官詰其故籍則曰六
年七年者亡也非吏之責歟則曰某年某人之為也非
有所授歟則曰某籍某人之受也毀其舊而新是存則
有田而無籍可也有籍而無田可也有田而無籍者遺
其名有籍而無田者詭其名繇今眎前田之失于籍者
十四繇後眎今租之人于學者□□也吁是獨毋以為
歟迺請于府

經畧龍圖大監鞏公愀然曰有是哉今尚可為後將何
以示遠他日噓時舉□□之曰子前以學稟不繼則官
有沒入之田若干盡歸于學以補今之闕□□□學遠
謀則子盍以今與□之田總其名數盡棄于石以待後
之□□□□□□退而告于學之諸生曰公之仁遠
哉有田以為今有石以為後□□□□不告□公
之仁遠哉下缺一字一年正月□日迪功下缺二字陳德銘
謹書□□□學正簡□直下缺

碑陰

二十三行
十六字正書

府學

今具增置田段畝步下項

經畧 大監撥下陳紹祖沒官田壹拾捌號

第壹等計壹頃伍拾肆畝零肆拾玖步

第貳等壹頃伍拾捌畝貳角伍拾柒步

第參等貳拾陸畝參角伍拾貳步

都兵參頃參拾玖畝參角參拾捌步是李諤
請佃從拾壹年內給據當年納錢參拾貫文
省至拾貳年起頭每年納錢貳伯貳拾貫文
省

經畧 大監續撥下羅餘首出陳宋英不入砧基

簿沒官田肆號計陸拾伍畝參角參拾貳
步羅餘請佃每年納錢貳拾貳貫文省自

國熙拾貳年正月壹日為頭

張賓首出李貳拾伍戶絕口捌號

第壹等計叁拾玖畝叁角

第貳等計叁拾畝伍拾叁步

第叁等伍拾玖畝叁角伍拾柒步

都共壹頃貳拾玖畝叁角伍拾步張賓請佃
每年納錢貳拾伍貫文自國熙拾貳年正
月壹日為頭送納

王觀光首出南海縣歸仁里祿步村芋子湖田計
壹拾叁頃

東至路抵謝方頃及何聚田計貳佰肆拾捌丈

西至何宗朝田計壹佰貳拾陸丈

南至路并丁十二何文集賀卅三田計肆佰肆拾丈

北至何宗昱漑田計叁佰陸拾丈

右員在前

國 熙 十 一 年 正 月 日 記

碑在廣州府學泮池北之面記後半多泐不見撰人及立碑年月然有云噦時舉而告之則記為時舉撰但不知其姓爾記前有國熙九年後又有一年正月一年上泐文為國熙十一年與碑陰年月同也記末學正字尚可辨宋史選舉志內外學官元豐九年始

立試法上等為博士下等為正錄正錄蓋即學正而
職官志無其文闕也碑陰記經畧大監即前記所稱
鞏公蓋鞏湘也熙七年任廣東通志金石畧

按此記為時舉撰陳德銘書皆可觀南宋石墨之
僅見者學官之有正錄非即學正也觀鞏嶠修學
廩記有正錄黃應龍黃况可見又李心傳繫年要
錄載紹興二十九年八月詔臨安府學正錄二人
並免解一次

彈子巖石刻三段

在廣西臨桂縣

張子書子張問從政章高七尺廣一丈三尺十五行十三字徑六七寸正書

論語文不錄

右論語問政一章廣漢張公杖嘗大書于桂林郡之
治事聽桐廬詹公儀之欲其傳之廣也命鑿諸巖石
俾臨民者皆得目擊心存力行無倦庶不負聖人之
訓
團熙甲辰冬長至日郡文學長沙陳邕謹題

按張宣公南軒先生大書論語一百九十字詹儀
之鑿石後陳邕題記二行凡七十八字團熙十一

年歲在甲辰南軒以團熙二年知靜江府經畧安

撫廣南西路

見宋史及朱子虞帝廟碑

五年閏六月去桂

見冷水岩

題此去桂後六年所刻吾友趙湖州學轍得拓本
裝四軸以贈

李滋篆聯石刻

石各高三尺五寸廣一尺聯句字上下各一行入分書

安分身无辱

知幾心自閑

字徑六寸

國熙乙巳晉安李滋長卿為

上聯身字以下之右

鄉人林可宗元之書于復齋

以下聯心字

陳讜遊巖洞題記

高一尺廣三尺八寸十

莆陽陳讜正仲自三城辟守襄澤就銓計臺仲子璉侍

行臺府賓佐移尊水東盤薄松關歷覽曾公栖霞彈子

諸巖洞同游者十二人北嶽王宗孟景醕泉山趙庚叔

初林子蒙亭仲廣平李正夫順老廬陵董世儀子羽建

安鄭繼動少周劉褒伯寵臨川楊汝明伯藻西安徐詡

叔虞金華宋姓茂叔新安朱權聖與長沙李魯玉伯温

時連雨咎霽寒氣亦歛呈物呈露極驩乃歸慶元改元
冬十一月二十有六日

太平州瑞麻贊

太歲在酉當是國熙十六年己酉也洪邁撰正書
在安徽太平府學

朱晞顏還珠洞詩刻

高四尺廣二尺五寸入行行十
四字正書在廣西之臨桂縣

還珠洞下臨灘江無一點塵俗氣上有真人蹟在焉
蓋神仙窟宅也携家來游抵暮而歸紹熙五年重午
後廿日新安朱晞顏

天斲神剗不記年洞中風景異塵寰江波蕩漾青羅帶

巖石虛明碧玉環地接三山真蹟在天連合浦寶珠還
重來恍似乘槎到慙愧雲門夜不關

朱希顏石木詩刻

高一尺三寸廣三尺八行序每行九
字詩每行十字正書在廣西臨桂縣

峴山晉柏蓋石之精英凝結而成光澤瑩潔不減水
玉扣之其聲鏗然珊瑚不足道以是知海物惟錯其
中何所不有但世人未之見耳因成鄙句刻之八桂
堂下巖石間以識歲月云慶元改元小春吉日新安

朱希顏

天教海若效珍祥不與千林春競芳擲地遺音清夏玉

凌雲直幹凜凝霜誰浮鯨海星槎到猶帶蟾宮月桂香
冶葉浮花掃除盡堅高直欲共天長

石門章卻等題名

正書在陝西襄城縣

章卻李崑魏拱之張應卯章升之趙文張復之以慶元
二年立夏前一日來邑令張寅尉李師章載酒相從

南海英護廟額牒

高四尺五寸廣二尺六寸前額尚書省牒四字後刻
牒勅及署銜二十九字字三五寸或寸許不等行書
中刻狀奏十二行字徑四五分
正書在廣東廣州府南海廟

尚書省牒

禮部狀准都省批送下中奉大夫充秘閣修撰知廣

州主管廣南東路經略安撫司公事錢之望狀奏竊
見

南海洪聖廣利昭順威顯王廟食廣州大比茲土有
禱必應如響斯荅臣領事之始大奚小醜阻兵陸梁
既迫遂延祥官兵怙衆索戰復焚蕩本山室廬出海
行劫臣即為文以告于神願借檣風助順討逆俾獻
俘祠下明正典刑毋使竄逸以稽天誅然後分遣摧
鋒水軍前去會合神誘其衷既出佛堂門外洋復回
舟送死直欲趨州城拾月貳拾叁日至東南道扶胥
口東廟前海中肆拾餘艘銜尾而進與官兵遇軍士
爭先奪擊呼王之號以乞靈戰鬥數合因風縱火以

焚其舟潮汎陡落徐紹夔所乘大舶膠于沙磧之上
首被擒獲餘悉奔潰暨諸軍深入大洋招捕餘黨如
東蓋段門諸山素號險惡或遇颶風霹發不容纖舟
人皆危之既至其處波伏不興及至羅致首惡長風
送颶巨浪如屋武夫奮棹且喜且愕益仰王之威靈
凡臣所禱無一不酬將士間為臣言此非人之力也
凱旋之日闔境士民以手加額歸功于王乞申加廟
號合辭以請臣叅訂輿言具有其實除已先出帑錢
千緡崇飾廟貌外用敢冒昧

上聞臣考之圖經惟王有功於民著自古昔載在祀
典神次最貴唐天寶十載始封為廣利王

國朝康定貳年增號洪聖皇祐伍年以陰擊儂賊詔錫昭順紹興柒年復加威顯所以致崇極于神者其來尚矣旌應表異正在今日欲望

睿慈特降指揮申命攸司討論典禮優加命數昭示褒寵以荅神休以從民欲伏候

勅旨後批送部勘當申尚書省尋行下太常寺勘當去後據申照得上件神祠係是五嶽四海四瀆之神兼上件靈應並是助國護民蕩除兇寇比尋常神祠靈應不同所有陳乞廟額本部尋再行下太常寺擬封去後據申今將南海洪聖廣利昭順威顯王廟合擬賜廟額降敕伏乞省部備申朝廷取

旨施行伏候

指揮

牒奉

勅宜賜英護廟為額牒至準

勅故牒慶元四年五月朔晴日牒

叅知政事何

押

叅知政事謝

押

右丞相

押

宋史國宗紀慶元三年夏廣東提舉茶鹽徐安國遣人捕私鹽於大奚山島民遂作亂秋八月辛卯知廣州錢之望遣兵入大奚山盡殺島民與碑稱拾月貳拾叁日不同蓋碑紀戰勝之時史據遣兵之日但遣兵與盡殺島民自是兩時史臣叙事欲簡而無法遂

致紀載失實爾又碑稱紹興七年復加威顯慶元四年始賜英護廟為額皆史禮志所未詳並當據此以補正之碑末署銜叅知政事何者名澹叅知政事謝者名深甫右丞相者京鏗具見國宗紀右丞相不著姓者宋儼制丞相署勅著姓僕射去姓元豐新制以僕射為相故皆不著姓見老退菴筆記

廣東通志金石畧

修廣福寺記

高七尺二寸廣三尺六寸十七行行三十八字額題重修智者廣福禪寺記九字並正書在浙江金華府

婺州金華山智者廣福禪寺浮屠氏所謂梁樓約法師

道場

國朝開寶九年始為禪寺自淨悟禪師全骨傳三十七

代二百餘年至慶元之五年而仲玘實來方是時事廢不舉地弗不蕪棟撓柱腐垣斷甃缺若不可復為者玘植杖四顧曰智者之為寺天造地設者至矣而人事不能充焉故覆壞至于此天其使我興此地歟乃諏諸為地理學者則其言與玘略合蓋寺在金華山之麓峰嶂屹立林岫間出日月映蔽風雲吞吐而前之形勢無以留之如王公大人南嚮坐帷幄中宜其前有列鼎大牲之養盛禮脩樂之奉賓客進趨擯相檐翼將吏武士執摠孰何然後為稱今乃巍然獨坐而侍衛者皆奔趨而去則其威重無乃少損乎於是始議鑿大池瀦水於門梁其上達于大路而增門之址高於舊三之二異時所

謂奔趨而去者皆肅然就列恪然就事則王公大人之尊於是始全則其施置建立號令賞罰亦何可少嘗耶方議之初或謂門有大木數十必盡去乃可興池役而木所從來久以是未決忽有一夕大風木盡拔若有鬼神相其役者其亦異矣祀之來百役皆作脩廊傑間虛堂廣殿至於棲衆養老之室庖湍帑庾之所繚為垣墻引為道路莫不美於觀而便於事後雖有能者無以加焉况有道行為其徒所宗而才智器局又卓然不凡如此故薦紳多喜道之予又與有夙昔且嘗記其嚴州南山興造之盛故玆今又從予求智者興造記而予友人圍遠軍節度使提舉佑神觀姜公邦傑復以手書助之

請未及屬藥而邦傑歿予尤感焉雖毫不敢辭也今茲
之役池為大故書之特詳嘉泰三年十月甲子太中大
夫實謨閣待制提舉江州太平興國宮山陰縣開
國子食邑五百戶賜紫金魚袋陸游撰并書保靜軍節
度使知婺州軍州兼管内觀農使齊安郡開國侯食邑
一千一百戶食實封二百戶吳璘題額

按放翁撰書金華山廣福禪寺記為寧宗嘉泰三
年惟時翁年已七十有九記之整密書之道逸並
徵文力彊健非少壯所及也考紹熙二年翁為王
信撰紹興府學記結銜為中奉大夫提舉建寧府
武夷山冲佑觀記云老病不獲奉俎以從公後意

其時已致仕家居宋史本傳嘉泰二年以孝宗光宗兩朝實錄三朝國史未就詔權同修國史實錄院同修撰蓋自奉祠致仕閱十二載而後應修史之名則嘉泰三年正當同修國史實錄而結銜不及何也吳璠紹興十八年黃佐榜進士與朱子同年見滁州歐梅亭題名刻及咸園毗陵志石此碑兩浙金石志未錄惟孫氏訪碑錄載之並載碑陰寄玘公八札茲失拓石刻缺十字據渭南集補集有紹熙四年嚴州重修南山報恩光孝寺記從仲玘請即所云嚴州南山興造之盛也十月甲子集作十月二十九日

廣州學額管田數地基碑

高八尺六寸廣三尺八寸正書三十
七行字數不計在廣東廣州府學內

今具州學額管田

一係南海縣管

凡五段田數
四至不錄

一係番禺縣管

凡十二段田
數四至不錄

一額管房廊地基

凡十二處地
名四至不錄

廣南東路經畧安撫使陳中書峴照古

朝省□□田地及在東南西北內外周圍地脚經界

入學永遠充修造養士公用諸人無得侵占 嘉定

二年三月吉日記

按陳峴當時必有碑記而書額管田數地基於碑

陰迨元至元中完顏正叔重修廣州學時磨去陳
嶼碑記而刻尹聖任文其碑陰幸未去也宋時紀
事陳峴字壽南粵大詔云温州平陽人
淳熙十四年中博學宏辭科賜進士出身官中書舍人直學
士院而不言經略按撫使此碑土地門亭寺廟諸
名皆是補方志之闕

太守安丙題名二段

一石門一玉盆嘉定二年閏月在陝西褒城

詔音洞方信孺詩刻

高二尺廣一丈二十七行行五
字行書在廣西臨桂縣虞山

古相思曲

西風攪桂樹落日明楓林游子懷歸期餘悲渺登臨虞
山一何高湘水一何深英皇僅枯冢寂寞薰兮琴我欲
奏古曲俗耳便淫淫古器不可見聊作相思吟相思長
相思相思無古今一歌衆鳥聽再歌萬籟暗推手君勿
改有酒且孤斟落落此時意寥寥千載心五絃無庸絕
四海誰知音

嘉定八年二月朔莆田方信孺書刻于韶音洞

石堂歌

石堂橫各五尺二十行行二十六
字行楷書在廣西臨桂縣華景洞

石堂歌

吾斲石堂無變怪土缶鼓閑遊戲一鏗相隨萬事空

十二時中牢捉繫牢捉繫不在三間前後際拍將兩手
笑呵呵這箇消息不容易拈起石頭拈不住放下
石頭放不去去與住認取石堂門前路不開窗不開
戶塞破世界無覓處煖則乘風涼則眠烟霞雲外朝還
暮朝還暮不貧榮不貧富不戀妻帑及兒女隨緣自在
度時光看著古今都錯誤皇天堊土莫相瞞翻來覆去
能幾許前賢後聖說多般千經萬論從頭注渠不省渠
不悟一任從渠失故步我自知我自願富貴渾如草頭
露人與我愛與妬對境不生無喜怒清涼世界乃吾臺
是非海裏終不覷不向君王殿上行不入豪家問尊貴
紅妝豔粉任安排誇逞從他鬪能會英雄彊弱只一般

嚶囉巧拙說甚彩少年才子謾風流絕代佳人臭囊袋
一息不來何所尋萬兩黃金不容帶都是空必竟敗唇
鏘舌劍遞相欺縱使金印如斗大儘數收拾滿倉箱不
知前面能幾歲一著錯分明輸却無贏落聚散還同浮
水漚頃刻之間難捉摸不向根基上乘尋个个急後抱
佛脚早悟解早悟解不如石堂一大塊石堂壞時從他
壞這一大塊元自在堅且耐風霜雪雨摧不碎祁寒隆
暑沒遮欄春去秋來任推載四方八面透玲瓏石堂裏
面快活睡覺後還將恁麼時撒手便行無布擺 元在
菴主人 厚熙辛亥歲作嘉定乙亥二月刻于桂林華景
洞崖石

按南宋孝宗淳熙六年己亥八年辛丑十六年中
無辛亥歲也惟光宗紹熙二年乃辛亥耳此蓋書
刻之誤園宗嘉定八年歲在乙亥

米芾畫像贊

高四尺廣一尺五寸三層上贊四行行八字行書中
像一尺三寸陽文右有書跋一行下記二十行行二
十九字正書在廣
西桂林府伏波岩

襄陽米芾

得名能書

六朝翰墨

漁獵無餘

骨與氣勁

妙逐神俱

風姿亦然

縱覽起予

右贊四韻每韻一行高宗御製御書右角有乾卦圓
璽左下方闕三銘與二字連珠又各徑五分一
許御書
二字

先南宮戲自作此小像真跡今歸于

御府友仁書
像在

右

右米友仁行書一行
在畫像前側廓外

寶晉米公畫像記

寶晉米公世居太原後徙襄陽自公始定居潤州

宣仁后恩補秘書省校書郎滄光尉

宣德郎知雅監中嶽廟授漣水軍使發運司勾

當公事撥發人為奉常博士知常州不赴管勾洞

霄宮知無為軍復召為書畫院博士擢禮部員外郎

知淮陽軍痒生于首謝事不許卒于官

月葬丹徒長山下信孺頃過洽光訪公遺跡得北山養

疾篇及復得僧紹言詩序

及伏波巖與潘景純同遊石刻□□公嘗尉臨桂秩滿

寓居西山資慶寺頗與紹言遊故有此作其他蹤跡則

缺如也至于序中云書于桂林□室今亦失所在豈舊

尉治耶公作畫史□□始□官桂林而是時文章翰墨

已足曰高跨千古然蔡天啟誌公墓書滄光不及臨桂

豈所謂□□□□□□中耶抑先臨桂後滄光天啟

所書偶略之耶公之孫□□公遺文如北山養疾篇紹

言詩序等作皆逸焉豈□時□次偶未見□□耶公

□碑皆書黑圈七季今去此且一百二十餘載□其聲

名與天壤相終始□□□□□游桂林者或未必知

其詳信孺特濟于桂公之曾孫國秀實為靜江府□□

支使臧公自作小像有小米題字意其游山時衣冠
○此○刻之伏波巖公題名之左且以

高宗御製碑本像贊冠焉併○公卒○於下方
○公嘗游使來者尙可以想像其凌雲御風之高致
云嘉定八年八月旦朝奉郎廣南西路轉運判官莆田
方信孺記

右記漶漫多缺字旁注者据粵西文載補之按海
岳遺事云米公自寫真世有數本一本服古衣冠
曾入紹興內府有其子友仁審定贊跋即此本也
嘗尉臨桂僅見信孺此記 高宗贊風姿亦然言
風姿如其翰墨字正作亦粵西金石略改作奕失

其義矣

蘇子瞻浴日亭詩刻

高五尺二寸廣二尺八寸詩五行行十四字正書詩後留筠城四行詩題下白口題字四行並行書在廣州南海神廟前亭內

南海浴日亭詩

劍氣崢嶸夜插天
瑞光明滅到黃灣
坐看暘谷浮金暈
遙想錢塘涌雪山
已覺滄涼蘇病骨
更煩沉澗洗衰顏
忽驚鳥動行人起
飛上千峰紫翠間

右紹聖初元 東坡先生謫惠州過浴日所迹也
辟間今存小刻乃後人所書
口微有舛異筠齋得此真蹟於湘中嘉定辛巳立巖祇峯

皇帝祝籥來謁 祠下因出以壽諸石 補斯亭之闕

蓋斯亭觀覽之偉固自足以雄視海天而此詩詞翰之

神尤足以彈壓千古是可私其 無傳也哉清源

留筠端父書

石本過浴日無亭字
通志作過浴日亭

余河東南

南碑第一行以下不
辨字數下同

題句 筆勢端

第二行

置城 行祠以便往來士 覽所以

第三行

至元十八年十月一日 上將軍都元帥廣東

第四行

按詩刻下半微泐後跋清源留筠端父書廣東舊

志職官提點刑獄留筠正之次子端平年任考宋

史留正傳但云子恭丙端皆尚書郎不知舊志何

據也翁覃溪學士粵東金石略南海浴日亭題下
小字四行云至元十八年十月一日餘不可辨細
視其尾似云都元帥廣東□□使白□書廣州志
至元中有宣尉使白佐定其人歟今碑字較翁拓
時益多漫滅即使白□書數字亦無從復辨矣

休寧脩縣學碑

碑四石並高六尺六寸廣二尺二寸每石七行行
二十四字字徑二寸許正書在安徽休寧縣學

休寧修縣學記

從政郎建康府府學教授程秘撰
朝請郎監行在都進奏院金葵書

紹興中錫山先生陳公之茂來尉休寧選學于南門之

左今六十八年屋塌壞邑大夫毗陵張侯抃修之不異
新宮尉吳門吳侯大淵克蒞是役書三來詭以紀事秘
邑民也不學是懼安能紀詳不獲輒誦昔聞古者自六
歲學數與方至十五入大學如擊石火如導谷泉不擊
不導火泉固存擊之導之火泉迺出人有成性道體具
備學問一施德業日廣非昔無今有也至若過時廼學
則已跳躍逐物矣揉之維之琢之俾還性初廼順
帝則夫時而學與過時而學皆可達諸聖賢神道顯德
坦然無壅嗚呼先王為是設學不可一日緩已

國家昭德恢儒今二百五十年殷容文明匹休三代自
移蹕吳會新安在甸服三百里教化所漸益近

且先故休園百年來比屋詩書衣冠鼎盛士之口學致
身者踵武相屬嗚呼錫山建學明道所已期惠吾邑人
者獨致身云哉今大夫以廉敏稱知先教後政首加葺
馬上之戎冠曳履入于其間俯仰以思曰吾之學知一
性之本原者乎學而仕者曰吾之仕知名誼風節如吾
邦之先達者乎學者不徒記問詞章而思其本原仕者
不徒簿書期會而思所謂大節使吾邑隱然為多士鄉
此錫山意也亦邑大夫意也必無狀庶與吾邑人日新
厥圖益奮不解且系以歌用昭無忘松蘿茗蕘兮屏其
虛東溪紆餘兮帶其口有學宮兮屋渠渠我新冠兮衣
裾裾春溥莫兮風舞雩秋雨口兮涼生壚服仁食義兮

力蓄畬圃規方矩考行瓊瑤霽霽間口考論雲衢名節
崔嵬考昭

史書于勉于于勉于玉此詩歌堅不渝

嘉定癸未七月戊辰日門生宣教郎知徽州休寧縣
主管勸農營田公事任良弼立石

按休寧脩縣學記程秘撰金葵書任良弼立石程
秘字懷古休寧人紹熙四年進士理宗朝累官禮
部尚書翰林學士知制誥以端明殿學士致仕事
具宋史本傳著有洛水集六十卷見書錄解題今
存三十卷四庫全書提要稱其論疏剴切利病
井然蓋以經濟自任者其撰記時官建康府學教

授宋仁宗陞昇州為江寧府建康軍節度高宗改
為建康府建行都即今江寧府也碑立於嘉○癸
未七月○寧宗嘉定十六年歲在癸未則嘉○即嘉
定上溯六十八年為高宗紹興二十六年丙子乃
陳之茂尉休寧遷學之年也咸○涇毗陵志之茂字
卓卿無錫人紹興二年與張九成同登第之茂廷
對忤權相以襟犯黜之九成舉第一叩頭殿階曰
臣學不如陳之茂臣不當獎之茂能言人所不敢
言宜獎不宜黜高宗覽對悚然曰忠言也賜同進
士出身調休寧尉以經學為諸儒倡張魏公薦于
朝仕至吏部尚書是之茂登第二十餘年尚尉休

園休園縣隋屬婺州後屬歙州唐置歙州總管管
歙睦衢三州宋改徽州乃在宣和中方臘陷歙州
之後元豐九域志歙州新安郡軍事縣六休園州
西六十六里嘉定時雖改徽州而新安郡如故故
云新安在甸服三百里也金葵張抃吳大淵任良
弼侯考記云書三來詭以紀事說文詭責也孔融
薦橋衡表昔賈誼求試屬國詭係單于文選注自
責必係單于也漢書曰况自詭滅賊義同許說

曾噩南海廟記碑

高七尺六寸廣三尺八寸十九行行三
十三字正書在廣東廣州府南海廟

南海神祠位號之尊貴祀典之嚴重廟貌之規恢景響

之昭荅唐昌黎公曰深意健筆茲揮鋪張詞華而事嚴不可加矣至我

皇朝上之禮神益謹於唐神之報上有加於昔皇祐五年儂冠環攻州城若有所覩震慄引去州以無恙慶元四年大奚嘯聚遣將剿捕遇于廟前賊舟則膠坐受俘敵禦苗捍患之功俊偉章灼既聞于上今爵為

洪聖廣利昭順威顯王表其廟曰英護前據大海吐納潮汐來往祠下者微若一葦大踰萬斛必祗謁忱禱乃敢揚帆鼓棹涉重溟而不懼人之所以恃神者亦重矣廟之舊規宏大歲久頽塌印漏頽窳雖牲醴之奠不闕恐未必顧歆也醴以嘉定十六年承乏將漕乃謀之葺

屬撒而新之委主管帳司李宏宗董其事重門俠廡前
殿後堂巨而楹棟細而采桶壞者易之缺者補之上凡
下璧環堵列楹既葺既治中外一新丹堊之飾繪畫之
事程功競巧精至織縵前列呵衛旁羅騎導凡海霧之
有職位者後庭之供娛侍者彪炳森列非復昔日摧剝
垢漫之比鳩工於甲申之仲冬告脩於乙酉之季夏糜
金錢六百萬有奇皆出於漕計供餉之贏一毫不日及
州縣實體

朝廷嚴恭禮神之意肩副羗人依恃為命之心非曰為
美觀也詩云神之格思不可度思矧可射思南海最大
外通蠻夷何啻百十國神之威靈亦遠矣今廟食于扶

胥之口其格其否固不可度其可射耶繼自今遇壞必
聲有隆無替毋但以歲旨牲幣工祝致告為敬必思有
臣受神之居神依人而行將與邕人相為終始寶慶元
年七月十五日朝議大夫廣南東路轉運判官義溪曾
噩記奉議郎充廣南東路經略安撫司主管機宜文字
清源曾元崇書 劉漢臣刻

曾噩係銜轉運判官而舊志職官載入轉運使誤也

留元崇端之子見萬姓統譜

廣東通志
金石畧

虞剛簡詩刻

寶慶二年正月正書在陝西略陽

修天慶觀碑

高六尺五寸廣四尺二寸三十五行行五十一
四字正書篆額失期在江蘇蘇州府元妙觀

重修

天慶觀

觀記

朝請郎主管華州雲觀臣高之問撰

奉直大夫福建路轉運判官臣王松書

朝議大夫主管紹興府千秋鴻禧觀臣趙盛篆

大中祥符二年秋七月

制詔天下並建道觀名曰

天慶

殿中侍御史張士遜請

以舊宮觀改為毋或擾民從之吳郡即唐之開元宮祗
順

謨訓地當一郡之中面勢端夷神靈所宅既

□□神御而良田沃衍

神化寶牌次第推錫

榮光下燭有

累朝之奎畫在口如漢原廟如周兮噐以對天休以教民順德至渥也

六飛南却吳會實視陪京厥紹興初乃

命守臣喚肇即初基崇興秘宇而

三清大殿至淳熙丙申

內出金錢合凡上大司農錢無憲十餘萬緡守臣峴提點刑獄伯驥既專主給趣就功役

復古殿大書六字曰金闕寥陽寶殿以賜焉先是郡有異人草衣睢盱凡聖莫測俗既傾嚮或以為僊

詔築庵於觀之東北隅使之棲託扁曰通神亦
宸筆也庵成弗居爰

命左街道錄主太一宮事李若濟居之蓋官奉

神筭建殿若庵者也若濟白見其弟子呂知常即

冠褐久之為佑聖觀高士知常之徒曰朱善仁復

冠褐皆令□若濟之事以次相傳蓋若濟知常以其學

善仁以暨其被遇始末皆非苟然者然丙申至今又五

十年觀日以益弊而善仁之暨日聞遠近□湊賞謝悉

歸於營繕自嘉定初元以接于寶慶凡

□□ 三清 真武殿三門兩廡厨庫齋堂菑撻焚燹

一撤而新之別建鍾樓拱辰殿且及藏殿然後檠棟榱

題名崑□□碧黝聖暉彩交映累萬之費施纔十三
而不聞其有所求於人也夫道一而今老釋之教與吾
儒並列為三道家者流推本老子以自達於黃帝亦惟
曰清靜無為而已矣誠究其說則不言之教無功之功
不德之德非所謂行其所無事者耶世降俗末符籙穰
禱紛摺並進而其去道遠矣天啓

鉅□

聖神在宥未嘗作也而萬物莫不並生未嘗息也而萬
物莫不皆成臣誠愚不肖不足以窺觀

天地之大竊嘗自淳熙之盛而上及於紹興自紹興之
盛而推之於祥符天禧之際其治巍々不可及也而公

卿大夫亦不可及焉公卿大夫不可及也而方外之士亦不可及焉其受天元符為民請命非必陰祈秘祝也招延素士物色至人非必求僊採藥□□其□固已超軼秦漢而襲太古矣而遺風餘烈臣於若濟知常尚或一二見之臣不識若濟雅與知常遊願自謂不及其師然其於老氏列禦寇莊休之書以至於道藏釋藏山經地志稗官小說無所不通而要歸至理混入無間未嘗誇博涉挾數術也其為高士居虛白齊凡□□餘年孝宗移御重華始以老子入侍一傳而為善仁其所建立尚卓絕如此世言寺觀之興衰以為釋氏善以其說取人使從而□□非人□好尚則不能以有所成獨未

見善仁之事耶蓋

祖宗之於方士、之所以自修皆合於黃帝老子之所謂清靜無為者臣故得以私著焉寶慶二年三月

望

下

管內副都道正副知

天慶

觀事臣陳

天

一

管內都道正知□□觀事兼管轄

下

按王偁東都事略真宗大中祥符元年十一月詔以正月三日為天慶節二年冬十月詔天下置天慶觀李攸宋朝事實載大中祥符二年十月詔曰朕欽崇至道誕受元符庶敢清淨之風永洽圖熙之化式營仙觀以介民禧宜令諸路州府軍縣開

擇官地建道觀或改舊官觀名題而崇葺之以奉
三清玉皇並以天慶為額詔建天慶觀諸史皆云
十月碑作秋七月與史小異碑中天慶字皆經饒
鑿元郭昇客杭日記至大元年十月遊元妙觀老
道士云吳越時已有之昔為紫極宮前朝碑石有
天慶觀字皆鑿去不存朝代更改勅額曰元妙則
吳郡杭郡之元妙觀皆即宋時天慶觀饒鑿碑字
即在元時矣陸游入蜀記七月七日遊天慶觀在
冶城山之麓則建康之天慶觀也八月四日遊天
慶觀李太白詩所謂潯陽紫極宮則江州之天慶
觀也十二月二十日出巫峯門過天慶觀則歸州

之天慶觀也

忠清粹德碑

元祐戊辰哲宗御製并篆書題司馬光神道碑銘
定三年三月田克忭上石在陝西略陽

建安社稷壇記

正書在福建建安縣

缺 建安社稷壇記

缺 嚴邑風物阜盛惟社稷壇並民廬歲□侵削鞠缺具

臨眎紹定四年秋永嘉陳侯昉來宰斯邑喟然歎曰□

□足缺各四東社西稷□□雷□附焉壇三成壝四門

其方崇之度各有教缺畢備繚以垣甃以甃植以松柏

合其地從二十有五丈衡十有五丈吳缺揖閔偉嚴邃

口都所無也侯去之六季忽以書屬楚曰始余之築斯

壇缺山先生真公登而喜焉曰吾為子記之及先生守

泉貽昉書曰記將成矣缺今也令屢請口口口無以應

同門之士莫若子子其為我述先生之缺社稷者多矣

未易口語必得一大議論以發之所謂大議論者缺楚

聞命雙然曰悲夫先生之言大矣侯之志勤矣楚愚陋

何足以知之雖然缺之祗也而口口口配焉稷則專為

原隰之祗能生五穀者而周缺唐典其制甚備孟子曰

民為貴社稷次之君為輕又曰犧牲既成粢缺稷蓋國

以民為本社稷則口口口口口人非土不口非穀缺流

行於覆載之間以育萬物而□□□□此也缺責也
然必先盡其在我之誠而後可以望乎缺王之利國家
之典所以治人而事神者為何如缺則皇之於妖淫之
祠僕之於緇黃之官風俗日缺先生之所謂大議論者
雖不可得而聞而候缺也尚禮教明政刑深得聖門學
道愛人之缺也壇之建治材役人恣價口直不傷於經
錄缺視有制皆書以諭後人俾勿壞錄建團軍府兼管內

勸缺煥缺

壇建於紹定四年記作於邑令陳昉去之六年蓋
嘉熙改元之歲

中隱山題刻二段

在廣西
臨桂縣

鍾春伯等題名

高三尺五寸廣二尺八寸四行行六
字字徑四五寸書後一行十七字字

徑五分
並正書

長沙鍾春伯豫章范旂叟端平丙申歲十月既望再三日同游

後十六年敬為先清敏拂塵男得與拜手書

按理宗端平三年丙申十月范旂叟與鍾春伯紀游越十六年子得輿書後則當圖祐十二年壬子宋史列傳范應鈴字旂叟豐城人開禧元年進士知吉州贛叛卒朱先賊殺主帥應旂密遣牒捕之部使者劾其輕發鑄一官閒居六年起廣西提點

刑獄力辭踰年乃拜命終直煥章閣大理少卿其
謚清敏及子得輿史皆不載粵西文載作應齡又
云開禧間提點廣西刑獄皆誤應鈴舉開禧元年
進士一二年間何遽通顯况又閒居六年耶鍾春
伯名震見嘉熙戊戌顏頤仲湘南樓題名

羅愚呂公巖題記

萬四尺八寸廣三尺
七行行十一字正書

臨川羅愚圍祐辛丑中伏日約曹伯虎聶世用梁价魏
牧楊義仲趙時頌陳噲汪知幾趙崇榘觀稼西郊至呂
公巖泛舟覽湖山之勝觀石湖南軒諸賢題字時雨初
霽涼風先秋穡事可期因志其喜

按理宗圍祐元年歲在辛丑羅愚字季能見是年

六月棲霞洞題名

鞏嶠增修學廩記

碑兩旁及下截皆殘缺現存連額高六尺五寸廣三尺五寸記存十三行行二十五六字行書篆額題鞏公增修學廩之記入字在廣東廣州府學

車

□□□□□□□□□□□□□□□□□□□□□□

□□□□□□此下斷缺伯暨子若孫頌遺愛者飯必祝人欲天

後善積家慶嘉熙丁酉□

帝率彛訓命朝郎公嶠持常平茶鹽節斗建丑旂鸞戾

泮三城老稚下缺余敢不以先公舊治為念龜條蠹剔舉

刺核條教學未幾兼帥漕兵下缺拂碑陰龍圖公所撥項

數成在有牟利而股轉以聞乃根其通歸學下缺言厚熙

逮嘉熙甲子將周如公父子司南其勤其殷得未曾有

心象

下於士以廣

朝廷育材之仁朝郎公加惠於今亦非求德於士以充

家庭繼志之

下

不匱永錫爾類朝郎公得之仁孝同源

詩禮種學好事如髮記胡能下願民物之理於旬中異

時發身較魁軌襲相履跡貞闡堅刻當有下生從事郎

廣州州學教授合沙劉漢英撰文林郎前特差潭州監

下蓋學生貢士正錄黃應龍黃祝貢士直學陳容龜曾

壽卿等立石下□□□文煥教諭陳惠孫司膳林顯祖

鄭時中監刊學諭李子鯉掌下

按鞏公增修學廩記劉漢英撰黃應龍等立石其

書石及篆蓋人姓名漫漶僅上存結銜之半下存篆蓋二字餘皆不可悉矣鞏公名嶠經畧龍圖大監鞏湘之子廣東通志職官表鞏湘圖熙七年廣南東路經畧安撫使鞏嶠嘉熙元年提舉常平圖熙庚子至嘉熙丁酉凡五十七年記所云甲子將周父子司南是也以圖熙十一年廣州贍學田碑記并碑陰撥田頃數與此證之尤為明晰

還珠洞曾宏正等詩刻

高六尺四寸廣九尺十六行前詩每行八字後詩每行七字並行書徑五六寸許蕭詩二首各四行字徑一寸正書在廣西臨桂縣伏波岩

還珠洞

俛指重來二十春
繫船猶記舊篙痕
飛鴻踏雪空留跡
隨水浮萍那有根
摸索交游半為鬼
尋思往事黯消魂
天涯老泪空橫睫
只欲歸歎事灌園
次孚若韻
危亭倚巖隈
嘉名叶地讖
時浮桂籍香
水絕戈甲侵
敗柳裊煙絲
枯荷立霜枋
呼童理吳枋
月夕欲乘興

題癸水亭

曾宏正

廬陵蕭桂林次前後二韻

標柱征南不記春
未應追感淚流痕
岩虛生白灰心地
波湫澄清肅耳根
壯士於斯留顯跡
大夫非此賦招魂

江山今古人何在
戰馬嘶風憶故園

刻還珠洞三字之左行

□□□古碑□□□行讖履暑俯馮夷坐石存精稷拂

劍逼珠光乘槎掉柯枋風清明月懷雪隱高山興刻於水亭

宋詩

按曾宏正五言七言律詩各一首不題年月廣西通志金石畧載臨江曾宏正元岩隱山詩詩刻水月洞詞刻皆書圍祐癸卯詞刻後有元至正二年曾孫臨桂縣尹天驥跋云先曾祖白宋提點湖南刑獄圍祐癸卯調廣西運使龍隱岩刻忠節曾公三聘廣江新在人神道碑後有嗣子朝奉大夫直秘閣廣南西路轉運判官兼提舉鹽事提舉學事提舉綱馬驛程公事專一提領措置橋管軍糧借紫宏正謹書宏正在運判而非運使當以自書結銜為據

理宗圖祐三年癸卯宏正詩刻當即其時其還珠
洞詩次蒲田方信孺孚若韻孚若嘉定七年再至
桂林為本路運判詩刻伏波岩云字十岩舊屐痕
插水峭崖猶有路垂天怪石本無根金華仙伯真
知已意以將軍足斷魂安得北山公可作倩渠移
取回家園後書孚若二字即宏正所次之原韻是
刻廣西志失載故備錄之蕭桂林侯考

府判廳石刻

寶祐三年九月在山西鳳臺縣解

諭朱廣用勅并表記

高八尺四寸廣五尺八寸三層上刻開慶己未獎諭
勅書八字二行八分悉陽文中刻勅書十三行行十

四五字不等草書下刻謝表三十三行行十八字末

記六行行十六字並正書在廣西桂林府華景洞

勅廣用茲彼驍戎敢干王略肆猖狂之侵軼乘邊塞以
驛驂口躡蜀淮窺關襄廣翹萌芽傲霜雹自速天誅陳
師旅如霆雷維揚我武賴闔臣之指授暨守將之扞防
張貔虎之威厲熊羆之士聯首尾而相應一心力而有
勲凱奏屢馳狡謀莫逞然焦獲尙為整居之計幕南未
聞遠遁之期欲底肅清正嚴備禦斥候望烽燧不得卧
將吏被介胄不得休暴露郊原蒙犯矢石屬此沍凝之
候可勝勞苦之情霏雪來思深念采薇之戍多寒拊勉
庶同挾纊之温夫推恩施惠則人忘其勞均食同服則
士奮其勇咨爾統戎之任體予當饋之懷勤務撫循俾

皆豫附各效摧鋒之力益肩敵□之忠蕩滌腥氛靖安
疆場佇戰多之來上迪懋賞以報功故茲撫諭想宜知
悉汝比好否遣書指不多及 十三日 勅廣用

□□□貳月初叁日恭準

□書以□□西備禦沍疑撫諭者臣戍嶺服勤自媿寸
功之乏沍寒在候遽蒙

奎翰之攸拜

聖語之丁寧撫愚衷而震惕臣惶懼惶懼頓首頓首伏
念臣奮自田野何有勞能奔走邊陲備經繁使遭逢

昭代濫被

寵榮凡七領於戎旃已兩叨於郡紱允為逾分每切悚

懷方就列統建鄴之師忽被

旨有江陵之命中聞虜警亟解襄圍適幹腹之謀肆窺而南面之憂正切爰易蔽戍來駐桂州舉鍾成雲首急城池之役枕戈待旦益嚴壁壘之防堯應當屆朔之辰楚師有多寒之慮

九重加憫

一札肆放聽共悚於

敷綸溫悉如於挾纊茲蓋恭遇

皇帝陛下萬里見普

一視仁同雖嶺若在

輦轂間

志尤薦遠

無食敢忘鉅鹿下

日切憂邊

天筆昭回雲屯懽動臣敢不仰遵

訓諭俯竭忠勤飲食勞苦之惟均常與士卒以同體城郭封疆之効守勉為

國家之報圖臣無任感

天荷

聖激切屏營之至謹奉表稱

謝以

聞臣惶懼惶懼頓首頓首謹言

開慶元年貳月 日

結銜字細
德漫難辨朱□□上表

戊午秋日□戌桂是冬誤蒙

聖恩賜以獎諭放於己未春首

宸奎天翰雲日照回對揚

王休感深至骨已奉表稱

謝載刻之桂山華景洞石以永其傳開慶己未仲春

既望□□□□□謹書

按宋史理宗紀寶祐六年十二月詔李曾伯城築
關隘訓練民兵峒丁申嚴防遏廣用以是年戌桂
茲勅云屬此沍凝之候當是同時別勅廣用者又
開慶元年九月李曾伯紀功磨崖碑云寶祐戊午

朝廷合二廣創制闔命曾伯再牧防南鄙也尋調
建康都統制朱廣用領軍來戍諸道戍兵並委之
總統即廣用謝表所稱自建鄴來駐桂州也廣用
浮光人

劉仙巖任忠益等題記

高三尺六寸廣二尺二寸八分行十
三字正書在廣西桂林府劉仙巖

景定初南山朱公帥粵閩中任忠益眉山朱景行安溪
楊已千番禺舒文英河南王公及邵武黃必泰皆從遊
館于湘南道院暇日屢登劉仙巖五年忠益攝昭潭景
行添造九江已千赴班文英必泰試南宮慨然雲萍刻
石以識公之子稟甥羅景宏同來

按朱公朱禩孫也龍隱巖題記閩中朱禩孫以景
定庚申元帥嶺右咸圖初元春歸云云據此則禩
孫知靜江在景定元年蓋李曾伯以是年五月落
職禩孫即代之宋史理宗紀景定五年六月加授
朱禩孫右文殿修撰知靜江府廣西經畧使蓋五
年加授右文殿修撰而知靜江經畧廣西如故也

七星巖蘇良詩刻

高二尺廣一尺三寸八行行
十四字正書在廣東肇慶府

咸豐乙丑良月番禺蘇良同張彭二寅契來游因以紀

杖屨追隨入翠蓬玲瓏一竅徹心胃山羅斗宿英靈
萃地鎮龍潛氣勢雄碑蘇猶涵周子澤澗松仍有老包

風歲寒共約吾三友要把清規踵二翁

再詠星岩

曾聞媧氏補天漏也記春秋石隕星却訝端岩星錯落
何時漂隊數拳青

按咸圖乙丑度宗元年地鎮龍潛謂徽宗以端王
嗣位見運使中奉詩跋包孝肅慶圖二年知端州
軍州事周元公熙圖二年任廣東轉運判官並有
題名刻七星巖故良詩及之

大鑿禪師殿記

高五尺二寸廣三尺九行行二十五字上題六祖
大鑿禪師殿記八字四行並正書在廣東廣州府光
孝寺

廣州光孝寺大鑿禪師殿記

大鑿禪師顯跡於唐至我宋益昌今光孝寺菩提樹是師落髮處風幡堂是師說法處遺跡如在故釋子因為祖師殿以妥厥靈歲久蠹生重以鬱攸為變遂成荒趾歲在己巳住持僧祖中重新起造既成而請記于余余因謂禪師以四句偈傳衣正以菩提無樹明鏡非臺今為之殿宇而加像設焉得無惹塵埃乎師又謂心不着法道即通流心若着法乃成自縛屐香夕燈之奉為着法乎為不着法乎請者未有以對余語之曰道無古今佛無去來謂師為存而不沒乎自唐迄今幾七百年世界如寒暑遷人生如花葉撥逝水何可挽也謂師為

沒而不存乎庭前之木榦搜根存堂中之僧貌殊性一
羣瞻列跪何見而恭敬口誦心惟何慕而歸依飲水知
源自覺自悟師豈遠乎哉惟番禺大都會也禪師大道
場也地大則衆雜而俗龐道大則教行而類應師初出
遠遊而終返于是豈無說邪以寂照法解炎氛毒然則
僧家為殿以崇之吾握筆為汝記之皆善緣也咸曆五
年十一月初七日華文閣直學士通奉大夫廣南東路
經略安撫使馬步軍都總管兼知廣州軍州事兼管內
勸農使陳宗禮記朝散大夫提舉廣南東路常平義倉
茶鹽公事兼權運判冷應徵題蓋宣教郎知廣州南海
縣主管勸農公事兼弓手寨兵軍正王應麟書

建安陳士可刻

右廣州光孝寺大鑿禪師殿記陳宗禮記今應徵題
蓋王應麟書書頗有法嶺南人以為王伯厚筆也伯
厚以圖祐元年登進士寶祐四年中博學宏詞科至
度宗時名位已高無緣出為縣令宋史本傳亦不云
知南海縣疑別是一人與伯厚同姓名者爾後讀宋
潛溪集有封承事郎給事中王公穀墓版文其祖應
麟知南海縣事碑即此人所書乃泉州晉江人非浚
儀王氏也宗禮字立之應徵字公定宋史皆有傳

潛溪
堂金石
文跋

金石續編卷第十九終